



6

7

禪宗類聚卷第五

法苑珠林卷第五

法苑珠林卷第五

法苑珠林卷第五

法苑珠林卷第五

說法

悟道

說法

大道

世尊一日陞座大眾集定文殊白槌云諦觀法王法法王  
法如是世尊便下座

芭蕉徹云忙忙者匝地普天

松源岳豎起拂子云世

尊三昧文殊三昧總在拂子頭上諸人還見麼卧龍纔

奮迅丹鳳便翱翔

明招謙頌云聲振大千龍虎伏無人解和法王才言下

便明猶是鈍頰教平眼一時開智門祚云文殊白槌



報衆知法王法令合如斯會中若有僂陀客不待眉間  
毫相輝。雪竇顯云列聖叢中作者知法王法令不如  
斯會中若有僂陀客何必文殊下一槌。海印信云未  
兆之前早二三白槌之後更那堪當時若有僂陀客不  
到如今彊指南。地藏恩云諦觀法王法法王法如是  
玉輪影射珊瑚枝一陣清風動天地。南華昇云瞿曇  
按指文殊據令漏泄天機一槌打正。天童覺云一段  
真風見也麼綿綿化母理機梭織成古錦含春像無柰  
東君漏泄何。楚安方云金槌影動寶劍光寒八萬之  
衆齊著眼看。

世尊一日陞座八衆集定迦葉白起云世尊說法世尊  
便下座

芭蕉徹云西窗漢大德無孔笛遇著檀拍板

世尊一日陞座然坐阿難白起云請世尊說法世尊

云會中有二比丘犯律行我故不言法他通觀

見遂乃遣出世尊還復默然阿難又白適來為二比丘犯

律是二比丘已遣出世尊何故不說法世尊云吾誓不為

二乘聲聞人說法便下座

世尊因外道問昨日說何法世尊云說定法云今日說何

法世尊云說不定法云昨日說定法今日何說不定法世

尊云昨日定今日不定

五祖戒云何得將別人物作自己用 瀉山喆云世尊

大似看樓打樓大瀉即不然待問昨日說定法今日何

說不定法但云非汝境界 松源岳云釋迦未免隨樓



擲忽問虎丘昨日定今日為甚不定只向他道無雲生  
嶺上有月落波心 塗毒策云釋迦老子可謂借婆娑  
子拜婆年雖然恁麼早費分踈若是山僧即不然待他  
道為甚麼昨日定今日不定即向他道隨汝顛倒更聽  
一頌古鑑從來絕點痕隨其妍醜目前分而今鑑破無  
光影風輓長江水色渾 西禪璉云昨日與今日說定  
說不定寰中天子勅塞外將軍令外道當年入夢鄉直  
至如今猶未省

世尊昔欲將諸聖眾往第六天說大集經勅他方此土人  
間天上一切猥惡鬼神悉皆集自受也擁護法設  
有不赴者四天王王飛執鐵輪追之集既集會一果有  
不順佛勅及發弘誓擁護正法唯有一魔王謂世尊云

瞿曇我待一切眾生成佛盡眾生意界空無有眾生名字我  
乃發菩提心

天衣懷云臨危不變真大丈夫訂仁魔生者得下  
轉語與黃面瞿曇出氣尋常神通妙用智慧辯才到此  
總使不著盡閻浮大地人無不愛佛到這裏何者是佛  
何者是魔還有人辨得麼良久云欲得識魔麼開眼見  
明欲得識佛麼合眼見暗魔之與佛以拄杖一時穿却  
鼻孔

世尊臨入涅槃文殊大士請佛再轉法輪世尊喞云文殊  
吾四十九年住世未嘗說一字汝請再轉法輪是吾曾轉  
法輪耶

須菩提在巖間宴坐諸天雨花讚嘆提云空中雨花讚嘆



復是何人云何讚嘆天云我是梵天敬重尊者善說般若  
提云我於般若未曾說一字汝云何讚嘆天云如是尊者  
無說我乃無聞無說無聞是真般若

雪竇顯云避諱求靜處世未有其方他在巖中宴坐也  
被這一隊漢塗糊伊更有這老漢把不住問空中雨花  
讚嘆復是何人早見敗闕了也我重尊者善說般若惡  
水驀頭潑又云我於般若未曾說一字草裏走尊者無  
說我乃無聞識甚好惡總似這般底何處有今日復召  
大衆雪竇幸是無事人你來這裏覓甚麼以拄杖一時  
趁下 徑山杲於汝何讚嘆庚喝一云當時若下得  
這一喝非但庚却梵天口亦乃二千年後免被徑山檢  
點又於末庚喝一喝云當時若下得這一喝非但塞却

須菩提口乃二千年後免被徑山檢點且道徑山還  
有遣人檢點庚也無自云有甚麼處是遣人檢點庚不  
合多口

馬祖一禪師一日陞堂百丈出卷却蒔師下座便歸方丈  
次問百丈我適來上堂未曾說話你為甚便卷却蒔子丈  
云昨日被和尚扭得鼻頭痛師云爾昨日向甚處留心丈  
云今日鼻頭又不痛也師云你深知今日事百丈乃作禮  
而退廣澄

雪竇顯云諸方皆謂奇特清麼舉還當麼若當譬如水  
母以蝦為目若不當又空讚歎圖箇甚麼衆中一般漢  
亂踏向前問古人意旨如何更有老底不識好惡對云  
將謂僊陀客又云來日更到座前苦哉苦哉如此自稱



宗匠欲開人天眼目驢年去諸上座雪竇當時若見伊  
出來卷蓆劈胸與一踏令坐者倒者俱起不得且要後  
人別有生涯去免見互相鈍置豈不箇箇英靈底漢還  
會也無歸堂 白雲端出馬祖語云我鈍置猶可你鈍  
置太煞

汾陽昭頌云百丈當時侍馬師對師卷蓆更無私人天  
不測為奇特恰是攢鴉捉鳳兒上土瞥然全體現太陽  
出照嶽峰低 泉大道云陞堂馬祖卷蓆百丈得入半  
片還他八兩直饒縫罅全無未免傍觀拊掌 白雲端  
云昨日東風偶然惡桃花亂落如工日三夜東風又發  
狂滿地不知可處去 上方益云夜深認得歸時路不  
待天明便關三尺鎖鑰橫在手至今坐斷大雄山

佛鑑勸云潮來潮子上潮頭手把紅旗逆水流忽被猛  
風吹退浪此以伎倆一時休

藥山儼禪師久不陞堂一日院主請云久矣思和尚示  
誨師云打鐘著主聲鐘衆集師便歸方丈主隨後云和尚  
既許為衆說法為甚一言不施師云經有經師論有論師  
又爭恠得老僧

雪竇顯云可惜藥山老漢平地上喫撲盡大地人扶不  
起 琅琊覺云藥山下座不妨疑著及乎院主授著失  
却一隻眼 翠巖芝云藥山下座院主當初恠不為說  
話可謂誤他三軍 五祖演云雖然以已妨人爭奈賊  
身已露諸人要識藥山麼閑持經卷倚松立笑問客從  
何處來



天童覺頌云癡兒刻意止啼錢良駒追風顧影鞭雲掃  
長空巢月鶴寒清入骨不成眠 野軒遵云藥山老應  
病藥請上堂槌鐘著一丸不再愈顛狂辜負金僊換骨  
方 慈受深云明珠一顆價難酬不是知音便暗投翻  
笑藥山空費力水清魚現不吞鈎

南泉願禪師陞堂次陸巨大夫云請和尚為眾說法師云  
教老僧作麼生說陸云和尚豈無方便師云道他欠少甚  
麼陸云為甚麼有六道四生師云老僧不教他  
瀉山祐禪師陞堂次有僧出云請和尚為眾說法師云我  
為汝得徹困也僧作禮

雪峰闍云古之得與麼老婆心切 玄沙云山頭老和  
尚蹉過古人事也雪峰後問玄沙甚麼處是老僧蹉過

古人事處云大小瀉山被那僧一問直得百雜碎雪  
峰駭然

黃檗運禪師云自達磨大師到中國性惟傳一法  
以佛傳佛不說餘佛以法傳法不說餘法法即不可說之  
法佛即不可取之佛乃是本源清淨心也

松源岳云不可說不可取不是心不是佛擊禪床一下  
云急急如律令

長沙岑禪師僧問如何是無情說法師指東邊露柱云這  
箇說得云甚麼人得聞師指西邊露柱云這箇得聞云和  
尚還聞不師云我若聞教誰舉話

佛鑑勲云長沙雖指東劃西大似認鐘作甕諸人要會  
端的意麼汲水僧歸林下寺待船人立渡頭沙



米倉禪師同保壽赴州主齋次州主令客司傳語請二位  
長老談論佛法壽云請師兄長老答話師便喝壽云未曾  
奉問喝箇甚麼師云猶欠少在壽却與一喝

琅琊覺云大似點火夜行 地藏恩云直是好笑且道  
笑箇甚麼貪他一盃酒失却滿船魚 破庵先云二大  
老雖眼辦手親爭奈箭鋒不相拄直饒齊發齊中向州  
主面前只成一場敗闕且道州主具甚麼眼目慣從五  
鳳樓前過手握金鞭賀太平

趙州諗禪師一日在東司上見文遠過遂喚云文遠遠應  
諾師云東司上不可與你說佛法

鼓山珪頌云老僧正在東司上不將佛法爲人說一般  
屎臭旃檀香父子之機俱漏泄 徑山杲云趙州有容

語文遠不復藏演出大藏教功德實難量

投子大同禪師僧問三身中那身說法師乃彈指

投子青頌云三身說法問端由彈指 經海嶽收金鎖  
塔開紅日像夜深人笑碧峰頭

洞山价禪師僧問三身中阿那身說法師云吾常於此切  
僧後問曹山洞山道吾常於此切意旨如何曹山云要頭  
便斫將去又問雪峰峰以拄杖劈口打云我也曾到洞山  
來

承天宗云一轉語海晏河清一轉語風高月冷一轉語  
騎賊馬趕賊試請辨看忽有箇衲僧出來道總不恁麼  
也許他具一隻眼  
保寧勇頌云此切堪傷向外求至親何故似怨讎始終



滿面無慚色更有曹山之你頭天童覺云不入世未  
循緣劫盡空處有家傳白蘋風細秋江暮古岸船歸一  
帶煙

洞山問雲巖無情說法甚麼人得聞巖云無情說法無情  
得聞師云和尚聞不巖云我若聞汝即不聞吾說法也師  
云若恁麼即良价不聞和尚說法也巖云我說法汝尚不  
聞何況無情說法也師乃呈偈云也大奇也大奇無情說  
法不思議若將耳聽聲不現眼處聞聲方得知一本此  
夾山會禪師示衆云目前無法意在目前不是目前法非  
耳目之所到

雪竇顯拈起拄杖云夾山老甚處去也何不出草  
頭與大眾相見又卓地一下云在這裏復云咄者野狐

精縮頭便下座天童覺云夾山老子解開布袋將  
差珍異寶問諸人面前了也正當恁麼時却生  
路不拾遺君子稱羨

鼓山珪頌云年來萬事總成魔老去閑添白髮多道泰  
不傳天子令時清休唱大平歌 徑山杲云癡人面前  
休說夢生鐵圍上須尋縫明明說與却作聾只管外邊  
閑打閑

仰山寂禪師嘗云夢見往彌勒所五百聖堂安第二座有  
一尊者白槌云今當第二座說法山僧乃起白槌云摩訶  
演法離四句絕百非諦聽諦聽其五百聖衆各自散去

大瀉秀云仰山依文解義即不無忽然彌勒會中有箇  
作者纔見伊道摩訶演法便云合取两片皮非唯止絕

聯燈八十二座

作三座入會元

九葉後岩錄

第六 二十 大葉



仰山寐語亦免使後人夢中說夢。琅琊覺云且道五百聖衆散去是肯他仰山是不肯他仰山若肯他仰山又辜負仰山若不肯仰山猶如平地上喫交山僧今日不惜兩莖眉毛與諸人註破摩訶演法離四句絕百非你若舉似諸方諸方若與麼會入地獄如箭射天童覺頌云夢中擁衲參耆舊列聖森森坐其右當仁不讓捷穉鳴說法無畏獅子吼心安如海膽量如斗鮫目淚流蚌腸珠剖謔語誰知泄我機眉眉應笑揚家醜離四句絕百非馬師父子病休醫

雲門偃禪師云佛法太煞有祇是舌頭自代云也又云大斧斫了千摩抄

雲峰悅二雲門大師與麼道也是秦州來僧云和尙作

麼生師便打 天童覺云雲門大師雖然自起自倒要且車不橫推不曲斷

雲門僧問如何是法說師云大衆又立夷禮三拜云如何是隨意說師云晨時有粥齋時有飯云如何是隨宜說師云三德六味施佛及僧云如何是方便說師云是汝鼻孔重三斤半云如何是大悲說師云依佛法僧

雲門示衆云任你橫說豎說未是宗門苗裔若據宗門苗裔是甚麼熱碗鳴三乘十二分教說夢達磨西來說夢若有老宿開堂爲人說法將利刀殺却百千萬箇有甚麼過又云將謂合有與麼說話底道理

雲門云從上祖師三世諸佛說法山河大地草木爲甚麼不省去自代云新到行人事又云和尚京中喫麵多



雲門云釋迦老子與天帝釋在中庭拈爭佛法甚鬧

徑山杲云這老漢好與三十拄杖且道過在甚麼處誣

人之罪以罪加之。松源岳云雲門大師大似巧媳婦

等閑做出無麵餠餓雖然如是人人也少一分不得

玄沙偈禪師一日上堂時又大眾盡謂不說法一時名歸

師乃呵云看總是一樣底無一箇有智慧但見我開這兩

片皮盡來簇著覓言語意度是我真實為他却總不知看

恁麼大難大難

三角印禪師上堂云九是說法須是應時應節時有僧問

四黃四赤時如何師云三月杖頭挑云為甚麼滿肚貯氣

師云爭奈一條繩何云如何得出氣去師云直須待穿

佛鑑懃云三角恁麼說話親則甚親大似不知轉動若

是老僧即不然待伊問四黃四赤時如何云莫礙老僧

路云為甚麼滿肚貯氣云築著磕著云如何出氣口向

道剗

龍牙遁禪師問德山云遠聞德山一句佛法及乎到來未

曾見和尚說一句佛法德山云嫌甚麼師不肯乃造洞山

如前問洞山云爭恁得老僧

巴陵鑒禪師問僧為佛法來遊山來僧云清平世界說甚

麼佛法師云好箇無事底禪客云早是多事也師云上座

去年在此過夏了云不曾師云恁麼則先來不曾相識下

去

龍濟修山主垂語云具足九夫法九夫不知具足聖人法

聖人不會聖人若會即同九夫九夫若知即是聖人



天童覺云收得安南又憂塞北到這裏實成底事一時  
颺却始得穩坐地還端的麼一等平懷泯然自盡

風穴沼禪師僧問大衆雲集請師說法師云赤脚人趁車  
著靴人喫肉

永明潛禪師示衆云佛法顯然因甚麼不會去欲會佛法  
問取張三李四欲會世法參取古佛叢林珍重

葉縣省禪師僧問如何是世尊不說說師云涅槃山側畔  
香煙蒲乾坤云如何是迦葉不聞聞師云觀音勢至引到  
西方

汾陽昭禪師示衆云夫說法者須具十智同真若不具十  
智同真邪正不辨縑素不分不能與人天爲眼目次斷是  
非如鳥飛空而翼折如箭射的而斷弦弦斷故射的不中

翼折故空不可飛弦壯翼空空的俱徹作麼生是十智同  
真與諸上座點出一同一實二同大事三總同參四同真  
智五同徧普六同具足七同得失八同生殺九同立吼十  
同得入又與甚麼人同得入與誰同音吼作麼生同生殺  
甚物同得失阿那箇同具足是甚麼同徧普何人同真智  
孰能總同參那箇同大事何物同一實莫有無得出底麼  
點得出底不悟慈悲點不出底未有參學眼在切須辨取  
要識是非面目見在

徑山杲云汾陽求後若無箇面目見在一場敗闕雖然  
如是喪我兒孫乃喝一喝復頌云兔角龜毛眼裏栽鐵  
山當面勢崔嵬東西南北無門入曠劫無明當下灰  
覺範洪頌云十智同真面目全於中一智是根源若人



要識汾陽老壁破三文作兩邊 或庵云陽春白雪入  
難和藻鑑冰壺豈易觀一把柳絲收不得和風搭在玉  
闌干 鼓山珪云十年湖海覓冤讎不得冤讎未肯  
芍藥花開菩薩面櫻榴葉散夜叉頭 正堂辯云盡得  
真如活花間試展開黃鶯偷眼覷不敢下枝來  
湯院恩禪師僧問學人上來請師說法師云花開媚景云  
恁麼則言不虛發師云玉葉芬芳

香山良禪師僧問馬祖陞堂百丈卷席意旨如何師云蚊  
子上鐵牛云畢竟如何師云烏龜倒上樹云古之今之師  
云放你三十棒

淨山因某說法親擊

李都尉請三禪師演法觀摩

須菩提說法親擊

禪定

世尊因普眼菩薩欲見普賢不能得見乃至三度入定徧  
觀三千大千世界覓普賢不能得見而來白佛佛云汝但  
於靜三昧中起一念便見普賢普眼於是纔起一念便見  
普賢向空中乘六牙白象

翠巖芝云諸仁者作麼生會普眼推倒世尊世尊推倒  
普眼你且道普賢在甚麼處 或作雲居

佛海遠頌云飄飄一鴈落寒空步步追空覓鴈蹤踏破  
草鞋跟子斷巍然獨坐大雄峰

世尊嘗在尼俱律樹下坐次因二商人問世尊遠見車過  
不世尊云不見云聞不世尊云不聞云莫禪定不世尊云  
不禪定云莫睡眠不世尊云不睡眠商人乃嘆云善哉善



哉世尊覺而不見遂獻白檀兩段

昔有外道問一入定僧輪王衆生種非佛非羅漢不受後有身是甚麼義僧便入定問彌勒彌勒為答了却出定語外道云譬如陶師埏埴成器

汾陽昭代云却勞尊者往復神用

十六祖羅睺羅多尊者因至一石窟中見僧伽難提安然在定祖伺而問云汝身定耶心定耶難提云身心俱定祖云身心俱定何有出入云雖有出入不失定相如金在井如金出井世相去來金體常寂祖云若金在井若金出井金無動靜何物出入云言金動靜何物出入言金出入金非動靜祖云若金在井出者何金若金出井在者何物云金若出井在者非金金若在井出者非物祖云此義不然

云彼理非著祖云此義當墮云彼義不成祖云彼義不成我義成矣云我義雖成法非我故祖云我義已成我無我故云我無我故復成何義祖云我無我故成於汝義云仁者師於何聖得是無我祖云我師迦那提婆證是無我二十四祖師子尊者始至罽賓國彼有五衆師已攝伏四衆唯一尊達磨達者本習禪定憤憤而來祖云仁者習定何當來此既至于此胡云入定云我雖來此心亦不亂定隨人習豈在處所祖云仁者既來其習亦至既無處所豈在人習云定習人故非人習定我雖來此其定常習祖云人非習定定習人故當自來時其定誰習云如淨明珠內外無翳定若通達必當如此祖云定若通達一似明珠今見仁者非珠之徒云其珠明徹內外悉定我心不亂猶若



此淨祖云其珠無內外仁者何能定穢物非動搖此定是  
不淨彼承開悟心地朗然

達磨大師自梁涉魏至洛陽少林面壁而坐經於九年方  
得二祖傳法

老宿云祖師九年面壁為訪知音若恁麼會得與鐵棒  
有日在 又有老宿云祖師九年面壁何不慚惶若恁

麼會得更買草鞋行脚三十年 琅琊覺云既不然且

道祖師面壁意作麼生良久云欲得不招無間業莫謗  
如來正法輪

白雲端頌云先被梁王勘破却向少林孤坐謾言教外  
別傳爭奈不識這箇草堂清云六宗調伏向東來五

葉芬芳震旦開冷坐九年人不識手攜隻履又空回

太平古云航海梯山緣底事遊梁麻魏意何傳九年面

壁垂慈切剛被時人喚作禪 吳古佛云九年能耳空

留隻履一花五葉春風四起 祖印明云精進翻成怠

惰莫守癡禪兀坐少林面壁九年已被梁王勘破 踈

山如云達磨西來未足誇少林捏目彊生花得皮得髓

徒分別妙性圓明本不差

六祖大師薛尚書問京城禪德皆云欲得會道必須坐禪

習定若不因禪定而得解脫者未之有也未審大師所說

法若何祖云道由心悟豈在坐乎經云若見如來若坐若

卧是人不解如來所說義故如來者無所從來亦無所去

無生無滅是如來清淨禪諸法空寂是如來清淨坐究竟  
無證豈况坐乎



神秀大師常令其徒住心觀靜長坐不卧有僧舉似六祖  
祖云住心觀靜是病非禪長坐拘身於理何益聽吾偈曰  
生來坐不卧死去卧不坐元是臭骨頭何用立功課  
南嶽讓禪師因馬祖住傳法院常曰坐禪師乃問汝學坐  
禪為學坐佛若學坐禪禪非坐卧若學坐佛佛非定相於  
無住法不應取捨汝若坐佛即是殺佛若執坐相非達其  
理祖聞示誨如飲醍醐禮拜問云如何用心即合無相三  
昧師云汝學心地法門如下種子我說法要譬彼天澤汝  
緣合故當見其道  
堀多三藏因遊五臺至定襄縣麻村見一僧結庵而坐藏  
問云汝孤坐奚為云觀靜藏云觀者何人靜者何物其僧  
作禮問云此理如何藏云汝何不自觀自靜彼僧茫然無

對藏云汝出誰門耶云神秀大師藏云西域異道最下  
根者不墮此見元然空坐於道何益僧問和尚所師何人  
藏云曹溪六祖汝何不速往決其真要其僧捨庵即往  
玄策禪師問智隍云汝坐於此作麼云入定師云汝入定  
有心耶無心耶若有心者一切蠢動之類皆應得定若無  
心者一切草木之流亦合得定云我正入定時則不見有  
有無之心師云既不見有有無之心即是常定何有出入  
若有出入即非大定隍無語良久問師嗣誰師云我師六  
祖云六祖以何為禪定師云六祖云夫妙湛圓寂體用如  
如五陰本空六塵非有不出不入不定不亂禪性無住離  
住禪寂禪性無生離生禪想心如虛空亦無虛空之量隍  
聞此說即往曹溪



魯祖雲禪師尋常見僧來便面壁南泉聞乃云我尋常向師僧道佛未出世時會取尚不得一箇半箇他恁麼驢年去

保福展問長慶稜云只如魯祖節文在甚處被南泉恁麼道稜云退已讓人萬中無一 羅山閑云陳老師當時若見背上與五火抄何故為伊解放不解收 玄沙云我當時若見也與五火抄 雲居錫云羅山玄沙總與麼道為復一般別有道理若擇得出許上座佛法有去處 玄覺云南泉為復是唱和語不肯語 翠巖芝云我即不然未具胞胎已前不得會會即打折尔腰 天童覺云魯祖法出好生南泉令下詐起天童不是檢點古人也要諸人体悉還會麼竿頭絲線從君弄不犯

清波意自殊

大慧云魯祖不得南泉幾乎覷破壁

琅琊覺頌云祖師面壁播諸方無限禪人謾度量無事晚來江上立數株寒栢倚斜陽 梁山冀云魯祖三昧

最省力纔見僧來便面壁若是同心達道者不在揚眉便相悉 黃龍新云魯祖當年不用功逢僧面壁顯家

風若遇上乘同道者

請續此

草堂清云堪笑池陽老

古錐僧來面壁擬何為大都端正人男女清淨不勞紅粉施 普融平云魯祖山前古路通熙微一徑沒西東 杜鵑聲裏春光老零落桃花藉地紅

藥山儼禪師初參石頭和尚一日坐次頭問作甚麼師云一物不為頭云恁麼即閑坐也師云若閑坐即為也頭云汝道不為為箇甚麼師云千聖亦不識頭乃作頌讚云從



來共住不知名任運相將只麼行自古上賢猶不識這次  
九流豈可明

五祖戒云藥山夢中說夢兩重重

丹霞淳頌云玄微及盡本翛然若謂渠閑萬八千月印  
澄江魚不見釣人何必更拋筌 五祖演云任運不知  
名輕輕著眼聽水上青青綠元來是淨萍 圓悟勤云  
擺撥佛祖縛曠然繩墨外一物亦不為縱橫得自在古  
鑑臨臺明辨去來金鎚影動鐵樹花開任運相將不可  
陪法雲隨處作風雷 隱靜儼云石頭打草要蛇驚密  
護玄機絕彙情迅句追風須辨的報云千聖不知名  
藥山因坐禪僧問和尚兀兀地思量箇甚麼師云思量箇  
不思量底云不思量底人如何思量師云非思量

南泉願禪師見魯祖面壁而坐師於祖背拈一掌祖云  
誰師云普願祖云作甚麼師云也是尋常

徑山杲云垂鈎四海只釣獐龍格外玄機為尋笑已南  
泉老人雖善別機宜識休咎要且未知魯祖落處如今  
莫有知得落處者麼切忌向鬼窟裏卜度

覆船若禪師因道吾問久嚮和尚會禪是不師云蒼天蒼  
天吾近前掩却師口云低聲低聲師與一掌吾云蒼天蒼  
天師近前把住云得與麼無禮吾却與師一掌師云老僧  
罪過吾拂袖便行師呵呵大笑云早知如是不見如是

圓悟勤云二老宿力氣相齊機鋒相觸非唯據虎頭亦  
善收虎尾直是兩箇一雙擔到洛陽也不偏一銖敢問  
大衆且道他得箇甚麼敢恁麼道酒逢知己飲詩與會



人吟 塗毒策云似鏡照鏡兩無所傷如火與火更無得失只如覆船道早知如是不見如是為復是逢強則弱為復是陷虎之機還有人道得麼出來道看其或不然相逢自有知音知何必清風動天地

栢巖禪師僧問如何是禪師云古塚不為家  
丹霞淳頌云故國清平又有年白頭猶自戀生緣牧童却解忘功業懶放牛兒不把鞭

泐潭建禪師一日在馬祖法堂後坐禪祖見乃吹師耳兩吹師起定見是和尚却復入定祖歸方丈令侍者持一椀茶與師師不顧便自歸堂

興化獎禪師入僧堂見首座坐禪師云我見你了也座便喝師打露柱一下便出去首座隨後上云莫恠適來觸忤

和尚師又打地一下

鹿門真禪師僧問如何是禪師云鸞鳳入鷄籠  
資福寶禪師僧問如何是一塵入正受師作入定勢云如何是諸塵三昧起師云汝問阿誰

雲門云這阿師話墮也不知前頭早是葛藤後頭又道汝問阿誰

雲門偃禪師因舉仰山云如來禪即許師兄會僧便問如何是如來禪師云上大人又拈起扇子云我喚作扇子你喚作甚麼僧無語師云扇子上說法燈籠裏藏身作麼生僧却問如何是和尚禪師叱云元來祇在這裏

草堂清云雲門老漢只向鬼窟裏作活計乃問僧你下得甚麼語免得雲門在鬼窟裏僧提起坐具云在這裏



師云蝦跳不出斗

雲門僧問迦葉入定時如何師云匿得麼云還見十方不師云好手透不出

保福展禪師僧問如來禪即不問如何是祖師禪師以手

撥云香嚴道底拈向一邊著僧無語師却問明招云道者

道取招云請大師舉師便舉招云更有第二下鐵鎚來和

尚又將箇甚麼當抵始得師休去

石霜諸禪師住山堂盈千眾長坐不卧屹然如杌天下呼

為木衆

清平遵禪師僧問如何是禪師云樹絲上樹屋連頂

杉洋庵主一日在庵前坐禪有僧近前便打師一掌師便

歸庵其僧却坐師却出來僧云猛虎當前誰人敢敵師便

打僧云苦苦

國清靜上座有問弟子每當靜坐心念紛飛未明攝伏之

方願垂指誨師云如或安坐心念紛飛却將紛飛之心以

究紛飛之處究之無處則紛飛之念何存又究究心則能

究之心安在又能照之智本空所緣之境亦寂寂而非寂

者蓋無能寂之人也照而非照者蓋無所照之境也境智

俱寂心慮安然外不尋枝內不住定二塗俱泯一性怡然

此乃還源之要道也

風穴沼禪師僧問不修禪定為甚麼成佛無疑師云金鷄

專報曉漆桶黑光生

正勤蘊禪師僧問如何是禪師云石裏蓮花火裏泉云如

何是道師云楞伽峰頂一莖草云禪道相去多少師云泥



人落水木人撈

崇真禪師僧問如何是禪師云澄潭釣玉兔

談空禪師僧問如何是談空禪師云塵埃滿面上雨打轉  
新鮮

南臺勲禪師僧問如何是禪師云石人拋玉彈跣足履春  
冰

廣德遠禪師僧問如何是禪師云久旱蘆花雪滿天云莫  
祇這箇便是也無師云是即應大奇

智門祚禪師僧問如何是如來禪師云橫擔拄杖緊繫繫草  
鞋云如何是祖師禪師云上大人又云會麼云不會師云  
不會且順朱

法昌遇禪師垂語云我要一箇不會禪底作國師

徑山杲云且道是醍醐句是毒藥句

石門徹禪師僧問祖師九年面壁意旨如何師云三山鎖

夜月照破萬家門

鹿苑圭禪師僧問如何是禪師云餐風飲露云意旨如何

師云諦聽諦聽

寶應昭禪師僧問達磨九年面壁意旨如何師云大地白

如銀云恁麼則觸處罷真空師云汝海任東流

佛印元禪師僧問達磨九年面壁意旨如何師云閉口深

藏舌云學人未曉師云一言已出駟馬難追

蔣山元禪師僧問摩騰西來即不問少林面壁意如何師

云火中巢翡翠水上畫丹青云還有向上事也無師云萬

年松色轉宜霜



淨住說禪師問達觀某甲經論粗明禪真不信願師決疑  
觀云既不信禪豈可明經禪是經綱經為禪綱提綱正綱  
了禪見經師云為某甲說禪看觀云向下文長師云若與  
麼經與禪乃一體觀云佛及祖非二心如手搦拳如拳搦  
手師因茲有省

天鉢慧禪師僧問如何是禪師云入籠入檻僧拊掌師云  
跳得出是好手僧擬議師云了

黃龍心禪師僧問達磨九年面壁意旨如何師云身貧無  
被蓋云莫孤負先聖也無師云闍梨見處又作麼生僧打  
一圓相師云鸞雀不離窠僧禮拜師云更深猶自可千後  
始愁入

保福殊禪師僧問如何是禪師云秋風臨古渡落日不堪

聞云不問這箇禪師云你問那箇禪云祖師禪師云南華  
塔外松陰裏飲露吟風又更多

南堂靜禪師僧問如何是山裏禪師云庭前嫩竹先生笋  
澗下枯松長老枝云如何是市裏禪師云六街鐘鼓韻  
鼗即亂鋪金世界中云如何是村裏禪師云賊盜消亡  
麤麥熟謳歌鼓腹樂昇平

惠持法師遊峨嵋山遂於嘉州路傍大樹內入定政和三  
年四月風雨暴作樹摧折捕盜官經歷見其鬚髮蓋體爪  
甲繞身頗異之奏於朝有旨令肩輿至京時西天總持以  
金磬出其定乃問何代僧師云我是東林遠法師弟也因  
遊峨嵋不記時代幾何遂問遠法師在不總持云化去七  
百年矣安得在耶遂不復語再問云既至此欲歸何方師



云陳留縣再入定徽宗帝命工畫像頒行

徽宗帝御頌三首其一云七百年來老古錐定中消息

評誰知爭如隻履西歸去生死徒勞木作皮復讚像

云七百年定誑譎閭閻一念超越天下橫行

趙王值趙州坐禪現諦雪峰熬山店坐禪道門

無厭足王入定現諦劉王問雲門禪現諦

歸宗五味禪觀黃檗不道無禪觀

月光童子入定現女子近佛入定現

黃檗見首座坐禪馬祖坐禪圖作佛觀

洞山問慈明達磨面壁光侍者問玄沙

仰山在樹下坐禪大義問鵝湖欲界無禪

### 悟道

世專於雪嶺六載修行明星現時忽然大悟

世專在日有一鈍根此立無多聞性令誦苾芻二字日夕

誦之誦苾芻誦苾芻苾芻每自剋責不休一日忽然誦苾

芻二字則大悟

達磨大師謂二祖云汝但外息諸緣內心無喘心如墻壁

可以入道二祖說心說性種種道理悉皆不契一日忽然

大悟謂師云此去可外息諸緣也師云真落斷滅不祖云

無師云子作麼生祖云了了常知言之不及師云此是諸

佛所傳更無疑也

禾山方云既是心如墻壁為甚麼了了常知若此見得

可謂終日喫飯未嘗咬破一粒米直得十方虛空悉皆



消殞其或未然業識忙忙流轉三塗未有了日參天  
衣懷云祖師恁麼說無計較中翻成計較無途轍中翻  
成途轍若教踏著德山臨濟門戶免得九年冷坐被人  
喚作壁觀胡僧直饒如是未免殃及兒孫云此是請  
四祖信大師為沙彌時禮三祖問云願和尚慈悲乞與解  
脫法門祖云誰縛汝師云無人縛祖云何更來解脫乎師  
於言下大悟服勤九載乃付衣法住蘄州破頭山學徒雲  
集攝心不寐脇不至席一日告衆云吾武德中遊廬山望  
破頭山見紫氣如蓋下有白氣橫分六道汝等會不聚默  
然弘忍云莫是和尚他後橫出一枝佛法不師云考唐太  
宗響師道三詔不起就賜紫服  
木庵永云看他祖師為人抽釘拔楔解黏去縛渾不傷

鋒犯手可謂獅子一滴乳迸散十斛驢乳汝等切不可  
妄生情計種種解會驀然脚跟尋著不知落處一劍當  
頭直教成未

無為子頌云慈雲之塔大醫之師瞻之仰之雙峰巍巍  
懶融不得西天鉢直付黃梅路上兒 草堂清云道出  
乾坤動至尊飛書三詔不離雲求人的嗣周家子遙望  
牛頭紫氣氛 長古佛云無縛無釋脇不至席分明一  
貫兩箇伍伯 佛國白云鳥外逢師解縛歸雙峰山下  
獨幽竒却將衣鉢為人事乞與黃梅箇小兒 覺範洪  
云絕知名迹能妨道正恐師承亦累人問法沙彌莫饒  
舌百年逆旅要同塵 雲巖因云牛頭未生梅子熟也  
翫步人間池成月下鳳書三到懶開眸白蓮峰頂光相



射

盤山積禪師初參馬祖作街坊一日出門見人昇喪訶郎  
振鈴云紅輪決定沉西去未委魂靈往那方幕下孝子哭  
聲哀哀師忽身心踴躍省悟歸舉似馬祖祖印可之  
文殊道頌云歌聲繞繞哭聲悲笑殺盤山老古錐歷劫  
無明昏暗處一時頓覺發光輝 夢庵信云哀哀相應  
便承當畢竟何嘗往別方踴躍自然全體露始知徧界  
不曾藏 佛燈珣云紅輪決定沉西去未委魂靈往那  
方踏著故鄉田地穩本來面目是親娘人只在不曾士  
率陀天上非人世須知別有好思量

盤山嘗於市肆行見一客人買猪肉語屠家云精底割一  
斤來屠家放下刀叉手云長史那箇是不精底師於言下

大悟

南華易頌云箇事分明不覆藏頭頭物物自相當千言  
萬語無入會又逐流鶯過短牆

鐘山璫禪師謁牛頭融禪師融目而奇之乃告云色聲為  
無生之鳩毒受想是至人之坑窠子知之乎師默而審之  
大悟玄旨

五洩默禪師到石頭處云一言相契即住不契即去頭據  
坐師便行頭隨後召云閣梨閣梨師回首頭云從生至死  
祇是這箇迴頭轉腦作麼師忽然契悟乃拗折拄杖

洞山云當時不是五洩先師大難承當然雖如是猶涉  
途在 長慶云險 翠巖芝云石頭據坐五洩便去石  
頭召他却成多事 雲峰悅云大小石頭坐不定把不



住似這般擔板漢放去便休又喚回被他塗糊一上道  
我向這裏有箇悟處驢年夢見

佛眼遠頌云在途在舍若爲酬莫把先師一例求雄雄  
宇宙如王者未免半邊無髑髏 枯木成云欲去高聲  
喚得回當時心眼一齊開要知不假修持力生死悠悠  
任往來

香巖閑禪師在瀉山時瀉山知其法器欲激發智地謂云  
吾不問汝平生學解及經卷冊子上記得者汝未出胞胎  
未辨東西時本分事試道一句來吾要記汝師懵然無對  
沈吟久之進數語陳其所解山皆不許師云却請和尚爲  
說山云吾說得是吾之見解於汝眼目何有益乎師遂編  
檢所集諸方語句無一言可將醅對乃自歎云畫餅不可

充饑於是盡焚之云此生不學佛法也且作箇長行粥飯  
僧免役心神遂辭去抵南陽觀忠國師遺跡遂憇止焉一  
日因芟除草木以瓦礫擊竹作聲俄失笑間廓然悟遽  
歸沐浴焚香造禮瀉山云和尚大悲恩逾父母當時若爲  
我說却何有今日事也仍述偈云一擊忘所知更不假修  
治動容揚古路不墮悄然機處處無蹤迹聲色外威儀諸  
方達道者咸言上上機

雪竇宗頌云粥飯隨時養病軀本無迷悟可關渠無端  
擊著庵前竹直至如今在半途

仰山寂禪師問瀉山如何是真佛住處瀉云以思無思之  
妙返思靈燄之無窮思盡還源性相常住事理不二直佛  
如如師於言下頓悟



關南道吾禪師始經村墅聞巫者樂神云識神無師忽大  
悟後參常禪師印其所解  
樓子禪師因從街市中過經酒樓下偶整襪帶少住聞樓  
上人唱曲云你既無心我便休忽然大悟從此號樓子出  
長慶巖禪師註楞嚴經說文

慈受深頌云唱歌樓上語風流你既無心我也休打著  
奴奴心裏事平生恩愛冷啾啾 寶峰明云你既無心  
我亦休此身無喜亦無憂飢來喫飯困來睡花落從教  
逐水流 佛慈鑑云你若無心我也休鴛鴦帳裏懶攪  
頭家童為問深深意笑指紗牕月正秋

米胡禪師令僧問仰山今時人還假悟不山云悟即不無  
爭奈落在第二頭何師聞肯之

投子青云然仰山與麼道即得還免得自己落麼若免  
得更有一人大不肯在若免不得亦落第二頭也胡雖  
然肯他自己還有出身之路也無諸人試點檢看若點  
檢得出兩人瓦解冰消若點檢不出且莫造次 應庵  
華云米胡提本分鉗鎚仰山展劒刃上事二老於唱教  
門中足可稱尊若向衲僧門下總是喫棒底漢

投子青頌云碧岫峰頭借問人指山窮處未安身雖然  
免得重陽令爭似靈苗不犯春 天童覺云第二頭分  
今悟破迷快須撒手捨筌第功兮未盡成拊拊智也難知  
覺噬臍免老冰盤秋露泣鳥寒玉樹曉風淒持來大仰  
辨真假痕玷渾無貴白珪 佛眼遠云悟人千箇道無  
憂肯信遭他第二頭寂寞山花寒食後夕陽西去水東



流

洞山价禪師先在雲巖問無情說法後辭去師猶涉疑因過水覩影大悟前旨作偈云切忌從他覓迢迢與我踈我今獨自往處處得逢渠渠今正是我我今不是渠應須恁麼會方得契如如

本覺一頌云動靜由來本與俱回頭驀面似逢渠直饒與麼猶堪笑喚作如如又却透

洞山因道全禪師問如何是出離之要師云閣黎足下煙生全當下契悟更不他遊

雲居膺進語云終不敢孤負和尚足下煙生洞山云步步玄者即是功到

汾州無業禪師問馬祖如何是祖師西來密傳心印祖云

大德正鬧在且去別時來師纔出祖召云大德師回首祖云是甚麼師便領悟禮拜祖云這鈍漢禮拜作麼雲居錫云甚麼處是汾州正鬧

雪峰存禪師同巖頭欽山到鰲山店上夜坐禪次頭云何不睡去如村裏土地相似他時後日魔魅人家男女去在師以手指曾云我這裏未穩在頭云我將謂你他後向孤峰頂上盤結草庵播揚大教猶作這話在師云某甲不敢自謾頭云若實如此據你見處一一通來是處與你證明不是處與你剗却師云我初到鹽官見上堂舉色空義我得箇入處頭云此去三十年切忌舉著師云又因洞山頌云切忌隨他覓迢迢與我踈頭云若恁麼自救也未徹師云後問德山從上宗乘中事學人還有分也無德山打一棒



云道甚麼此時如桶底脫相似頭喝云你不聞從門入者不是家珍師云如何即是頭云他後若欲播揚大教一一從自己曾襟流出將來與我蓋天蓋地師於言下大悟連聲云師兄今日始是鰲山成道師兄今日始是鰲山成道教忠光云只如巖頭道一一從自己曾襟流出且道雪峰前三次悟還從自己曾襟流出也無若從自己曾襟流出又道未穩在若不從自己曾襟流出又從甚麼處得來莫有斷得出者麼若斷得出不唯雪峰鰲山成道盡大地有情齊成正覺若斷不出說甚麼鰲山成道直饒少室傳心也未夢見在

佛眼遠頌云鰲山成道足人傳莫是從前話未圓。賴有玄沙知始末偏身紅爛在漁船。枯木成云說盡平生

去住因到頭難遇赤心人忽然自肯成家業。瓦礫拈來也是珍。佛燈珣云丈夫凌勵志英雄向外馳求枉用功到得鰲山開眼翻方知屋裏用無窮。

大禪佛通禪師在歸宗常禪師會下忽一夜叫云我大悟也衆駭之次日歸宗上堂集衆問昨夜大悟者出來師出云某甲宗云汝見箇甚麼道理言大悟師云師姑元是女人作宗默而異之

汾陽昭頌云悟來不在苦多端解了都由警爾間定道師姑女人作癡人積雪作銀山。保寧勇云半夜高聲似少神箇中明白有疎親如今隨例傳其響也道師姑是女人。大洪遂云悟了還同未悟時何須更說與人知賊贓敗露無藏處便道師姑是女兒。草堂清云五



月炎威當酷熱浹背汗流無處說匝地清風劈面來大  
禪眼裏重添屑 黃龍震云童子學順朱赤處背摸黑  
若將白紙來一點下不得若下得翻成紙上塗煙墨  
嚴陽尊者初參趙州問一物不將來時如何州云放下著  
師云一物不將來放下箇甚麼州云與麼則擔取去師於  
言下大悟後住山有一蛇一虎就手而食

黃龍南頌云一物不將來肩頭擔不起言下忽知非心  
中無限喜惡毒既忘懷蛇虎為知己清風幾百年至今  
猶未已 真淨文云移高就下縱威權解脫門開信可  
憐不得空王真妙訣動隨聲色被勾牽 佛眼遠云盡  
力放不下著力擔不起將謂一物無元是自家忘見得  
自家底心中大歡喜自茲家業興一舉九萬里 晏古

佛云一物不將來教渠放下著廓爾悟無生活計俱拋  
却 天童覺云不妨行細輪先手自覺心麤愧墮頭局  
破腰間斧柯爛洗清九骨共僊遊

華嚴靜禪師僧問大悟底人為甚麼却迷師云破鏡不重  
照落花難上枝

洛浦安禪師問來山佛魔不到處如何體會山云燭明千  
里像闇室老僧迷又問朝陽已晁夜月如何不現山云龍  
吻寶珠遊魚不顧師於言不大悟

雲門偃禪師上堂云如來明星現時成道時有僧問如何  
是如來明星現時成道師云近前來近前來僧近前師以  
拄杖打趁  
羅山閑禪師初謁石霜問起滅不停時如何霜云直須寒



友枯木去一念萬年去函蓋乾坤去純清絕點去師不契  
復謁巖頭理前問頭喝云是誰起滅師於此大悟

天童覺頌云斫斷老葛藤打破狐狸窟豹披霧而變皮  
龍乘雷而換骨咄起滅紛紛是何物

鼓山晏國師初參雪峰纔入門峰便扭住云是甚麼師於  
言下釋然了悟亦忘其了心唯舉手搖舞峰云子作道理  
耶師云何道理之有峰乃撫而印之

木庵求云作家相見閃電猶遲舉手搖拽劍去又矣要  
知國師敗關處麼擊水杖痕休問覓釘空鋸迹不須收  
龍濟修山主問地藏萬象之中獨露身未審意旨如何藏  
云汝道撥萬象不撥萬象師云撥藏云兩箇師沈吟久之  
却問畢竟是撥萬象不撥萬象藏云汝喚甚麼作萬象師

於言下省悟

瀉山果云地藏拖泥帶水曲為當時龍濟雖然悟去不  
堪為種草何故犀因翫月紋生角象被雷驚花入牙

雪峰存禪師僧問乞師指示師云是甚麼僧於言下大悟  
雲門云雪峰向伊道甚麼

南院顯禪師示衆云諸方只具啐啄同時眼不具啐啄同  
時用有僧便問如何是啐啄同時用師云作家不啐啄啐  
啄同時失云此未是學人問處師云你問處作麼生僧云  
失師便打僧不肯

翠巖芝云運籌幃幄決勝千里南院雖則全機受敵其  
柰土曠人稀 大瀉詰云南院高提祖印縱奪當機這  
僧善能勅敵爭柰力極計窮如今還有本色衲僧麼出



來與大瀉相見不圖鼓舞揚聲貴要宗風不墜有麼有麼如無大瀉今日大似索戰無功 禾山方云抽釘拔楔還他南院手段始得當時若不是這僧也大難承當其僧後到雲門會下聞二僧舉此話一人云當時南院棒折那其僧忽然契悟遂回省觀師已圓寂乃謁風穴穴一見便認得乃問上座莫是當時先師會中問啐啄同時話底僧麼云是穴云你當時作麼生會云某甲當時如在燈影裏行相似穴云你會也

琅琊覺云只解豎降旗不解奪劔戟 翠巖真出風穴語云當時待他擬祇對坐具劈口撼 天封成云風穴當時待他擬祇對便與本分草料會麼真金曾下煉不火轉鮮明

瑞巖彦禪師問巖頭如何是本常理頭云動也師云動時如何頭云不是本常理師沈思頭云肯則未脫根塵不肯則未沈生死師於言下頓悟

法眼益禪師同修璉二禪師經過地藏琛禪師處阻雪少憇琛問此行何之師云行脚去琛云作麼生是行脚事師云不知藏云不知最親切師又同三人舉肇論至天地與我同根處琛云山河大地與你自己是回是別師云同琛豎兩指熟視云兩箇即便起去師須臾啓行琛問送之問云上座尋常說三界惟心萬法唯識乃指庭下片石云且道此石在心內在心外師云在心內琛云行脚人著甚來由安片石在心頭耶師窘無以對即求決擇近一月餘日呈見解說道理琛云佛法不恁麼師云某甲詞窮理絕也



琛云若論佛法一切見成師於言下大悟

天童覺頌云而今飽參似當時脫盡麻織到不知任短  
任長休剪綴隨高隨下自平持家門豐儉臨時用田地  
優游信步移三十年前行脚事分明辜負一雙眉

石門蘊禪師問青林從上諸聖學人還有分也無林據坐  
師良久林云會麻師云不會林云無子用心處師於言下  
大悟住後九有扣問多云好大奇然後答話時人呼為大  
奇和尚

護國澄禪師同演化大師在湖南報慈值慈陞堂次演化  
出問如何是真如佛性慈云誰無化不契遂請益師師云  
汝但問來化理前問師云誰有化於言下契悟乃云首座  
或在衆或住持某甲誓終身相助後化亦繼師住護國

佛性泰頌云朝三暮四一何少暮四朝三何太多多少  
未能知數量有無從此見殺訛不殺訛唵嚩嚩唵唵唵

婆訶

興陽靜禪師初參西院乃問擬問不問時如何院便打師  
良久院云若喚作捧眉鬚墮落師於言下大悟

白雲作禪師因鼓山上堂召大衆衆皆迴眸山披襟示之  
衆因措唯師朗悟厥旨入室印證

古賢謹禪師因法眼問僧自離此間甚麼處去來云入嶺  
來眼云不易云虛涉他如許多山水眼云如許多山水也  
不惡其僧無語師於此言下大悟

壽寧義禪師初參芭蕉蕉問遊山來學佛法來禮拜老僧  
來師云離此外請師別問蕉云喫茶去師因此省悟



瑞巖海禪師謁雲居居問甚麼物恁麼來師於言下大悟  
遂作頌云雲居甚麼物問著頭恍惚直下便承當猶是自  
埋沒

龍華乘禪師問雲居如何是大道之源居云從甚處流出  
師因茲大悟舉無疑滯

首山念禪師因汾陽問百丈捲席意旨如何師云龍袖拂  
開全體現昭云未審師意如何師云象王行處絕狐蹤昭  
於言下大悟遂提起坐具顧視大眾云萬古碧潭空界月  
再三撈撻始應知禮拜歸衆時葉縣作首座纔退便問昭  
兄你適來見箇甚麼道理便與麼道昭云正是我放身捨  
命麴縣便休去

百丈恒禪師問法眼外道問佛不問有言不問無言叙語

未終時云任任你擬向世尊良久麴會那師乃大悟擬作  
投子青禪師謁浮山遠禪師經三載遠一日問云外道問  
佛不問有言不問無言世尊默然如何師擬開口遠遽以  
手掩師口師於此大悟遂作禮遠云汝妙悟玄機那師云  
設有妙悟也須吐却時攷侍者在旁云青華巖今日如病  
得汗師回顧攷云合取狗口汝更怱怱我即便毆遠後以  
大陽直裰皮履付師囑云代吾續洞上宗風

黃龍南禪師參慈明明云書記學雲門禪必善其旨如云  
放洞山三頓棒于時應打不應打師云應打明云聞三頓  
棒聲便是喫棒則汝自旦及暮聞鴉鳴鵲噪鐘魚鼓板之  
聲亦應喫棒喫棒何時當已哉又云吾始疑不堪汝師今  
可矣即使拜師拜起明理前語云脫如汝會雲門意旨則



趙州嘗云臺山婆子被我勘破試指其可勘處師面熱汗下不知答趨出明日復參又遭詆罵師慚見左右即云正以未解求決耳罵豈慈悲法施之式明笑云是罵耶師於言下大悟其旨失聲云泐潭果是死語小辨真淨文禪師坐夏大瀉夜聞僧誦雲門語云佛法如水中月是不荅云清波無透路師豁然大悟

白雲端禪師初謁楊岐岐問上座鄉里甚處師云衡州岐云落髮師為誰師云茶陵郁和尚岐云吾聞其過橋遭擲有省作偈甚佳能記之不師云記得岐云試舉看師舉云我有神珠一顆又被塵勞關鎖今朝塵盡光生照破山河萬朵岐大笑而去師愕然通夕不寐翌日入室咨決其事時方歲且岐云汝見昨日作夜胡者乎云見岐云汝一籌

不及他云何謂也岐云渠却愛人笑汝却怕人笑師於言下大悟

此庵元云諸禪德楊岐大笑眼觀東南意在西北白雲悟去聽事不真喚鐘作甕檢點將來和楊岐老漢都在架子上將錯就錯若是南明即不然我有明珠一顆切忌當頭蹉過雖然覲面相呈也須一槌打破舉拂子云還會麼基逢敵手難藏行詩到重吟始見功

雪竇顯禪師問智門祚禪師云不起一念云何有過祚召師近前師纔近前祚以拂子驀口打師擬開口祚又打師豁然開悟

定山方禪師參琅琊唯看栢樹子話每入室陳其所見不容措詞常被喝出忽一日大悟真入方丈云我會也耶云



汝作麼生會師云夜來床薦暖一覺到天明瑯可之  
洪濟願禪師參廣照屢扣宗猷未有開發一日足方躡塔  
忽然開悟遂有偈云舉足上巍塔分明這箇法黃楊木畔  
笑呵呵萬里青天一輪月遂陳所解照乃印可  
元豐滿禪師謁青州元禪師入室咨參一日山行摘葉淨  
手豁然契悟投機頌云大奇大奇動用還迷更問如何薦  
口便槌  
法雲杲禪師參真淨因讀祖師偈云心同虛空界示等虛  
空法證得虛空時無是無非法於是豁然大悟  
湛堂準禪師隨真淨移居石門師則往治蔬圃率以為常  
一日舉杖決渠水濺衣遂大悟真淨詔云此中乃敢用藜  
苴耶自此迹晦名著

黃龍心禪師先謁雲峰悅不契又謁黃檗南知有而機不  
發又辭上雲峰會悅謝世因就止石霜無所參決試閱傳  
燈至僧問多福如何是多福一叢竹公案此時頓悟親見  
二師用處徑歸黃檗方展坐具南云子入吾室矣師自喜  
云大事本來如是和尚何用教人看話下語百討搜尋南  
云若不如此令汝究尋到無用心處自見自肯吾即埋沒  
於汝也

黃龍清禪師謁心禪師初閱玄沙語倦而倚壁起經行步  
促遺履俯取之乃大悟即以所悟告心心云從緣入者永  
無退失然新得法空者多喜悅致散亂乃令就侍者寮內  
熟寐

黃龍新禪師謁心禪師談辯無所抵牾心云若之伎止是



耶是如說食渠能飽人師窘無以進從容云某甲已弓折  
箭盡願和尚慈悲指箇安樂處心云一塵飛而翳天一芥  
墮而覆地安樂處正忌上座許多骨董直須死却無量劫  
來全心始得師趨出一日默坐下板會知事擗行者闌杖  
聲忽然大悟奮起忘納其屨趨方丈見心乃自諭云天下  
人總是學得底某甲是悟得底心喜云此乃選佛甲科何  
可得也

淨因措禪師問投子佛祖意句如家常茶飯離此之餘還  
別有爲人言句也無子云汝道寰中天子勅還假禹湯堯  
舜也無師擬開口子拈拂子驀口打云你發意來時早有  
二十棒分師於此契悟作禮便行子云且來闍黎師竟不  
回首子云子到不疑之地耶師掩耳而去

安國挺禪師因僧問五祖云真性緣起其義云何祖默然  
時師侍次乃云大德正興一念時是真性中緣起其僧於  
言下大悟

應庵華云五祖不合默然好與二十棒挺禪師不合道  
大德正興一念時是真性中緣起也與二十棒其僧言  
下不合大悟也與二十棒且道寶林還有過也無也與  
二十棒

護國元禪師謂圓悟於蔣山因二僧閱苑心錄有云既迷  
時須得箇悟既悟須識悟中迷迷悟雙忘却從無言處建  
立一切法師心非之拂袖而起行數步忽然冥契走告圓  
悟悟印其所解後辭去悟問向去有人問你作麼生師撫  
傍僧背云和尚問你何不祇對悟大笑



天衣懷禪師在翠峰入室次峰云恁麼也不得不恁麼也  
不得恁麼不恁麼總不得師擬議被峰打出如是者數四  
徐為水頭因汲水折擔忽然大悟作投機頌云一二三四  
五六七萬仞峰頭獨足立驪龍領下奪明珠一言勘破維  
摩詰峰聞拊几稱善

黃檗勝禪師初居講聚偶以扇子勸牕樗有聲忽憶教中  
道十方俱擊鼓十處一時聞因大悟白本講師講令參問  
徑往黃檗值上堂踞坐云鐘樓上念讚牀脚下種菜若入  
道得分半院與伊師出云猛虎當路坐藥大悅之

慧空宥禪師問資聖捷禪師古人向開合眼處元字作用  
有是哉捷叱云驢前馬後漢有甚用處拈拄杖逐之師大  
悟捷笑云這鈍漢

慧圓上座在東林每以已事請問朋輩見其貌陋皆侮之  
一日行殿庭中忽足顛而仆了然開悟作偈俾行者書乎  
壁云這一交這一交萬兩黃金也合消頭上笠腰下包清  
風明月杖頭挑後照覺聞之大喜

九峰廣禪師問雲蓋智禪師與化打克賓意旨如何蓋下  
禪牀展兩手吐舌示之師打一坐具蓋云此是風力所轉  
又問石霜霜云你意作麼生師亦打一坐具霜云好一坐  
具只是不知落處又問真淨淨云你意作麼生師復打一  
坐具淨云他打你也打師於言下大悟

天童交禪師參泐潭足纔踵門潭即呵之擬問即拽杖逐  
之一日忽呼師至丈室云我有古人公案要與你商量師  
擬進語潭遂喝師豁然領悟乃大笑潭下繩床執師手云



汝會佛法耶師便喝復托開潭大笑  
信相顯禪師因昭覺白禪師問高高峰頂立深深海底行  
汝作麼生會師於言下頓悟乃云釘殺脚跟也白拈起拂  
子云這箇又作麼生師一笑而出  
典牛游禪師因湛堂準禪師示衆云諸人苦苦就準上座  
覓佛法遂拊膝云會麼雪上加霜又拊膝云若也不會不  
見乾峰示衆云舉一不得舉二放過一著落在第二師聞  
之脫然頓悟準乃對衆爲印可  
佛眼遠禪師典賓海會兩夜讀傳燈錄至破竈墮因緣忽  
撥火大悟作偈云刀刀林鳥啼披衣終夜坐撥火悟平生  
窮神歸破墮事皎人自迷曲淡誰能和念之永不忘門開  
少人過

無爲泰禪師參五祖演禪師久無悟入一日祖陞堂顧衆  
云八十翁翁輓繡毬便下座師欣然出衆云和尚試輓一  
輓看祖以手作打伏鼓勢操蜀音唱綿州巴歌云工子山  
打瓦鼓楊平山撒白雨白雨下取龍女織得絹二丈五一  
半屬羅江一半屬玄武師聞大悟乃掩祖口云只消唱到  
這裏祖大笑而歸

徑山杲禪師因圓悟上堂舉僧問雲門如何是諸佛出身  
處門云東山水上行若是天寧即不然如何是諸佛出身  
處葉風自南來殿閣生微涼師聞之豁然契悟

靈隱遠禪師因聞圓悟普說忽然頓悟住於衆衆掖之乃  
云吾夢覺矣至暮與悟問答無滯悟大喜以偈贈之  
佛燈珣禪師參佛鑑未有悟入乃封其衾云此生若不徹



去誓不展此於是晝坐宵立逾七七日鑑上堂云森羅及萬象一法之所印師聞之頓悟

歸宗賢禪師參佛眼一日入室眼舉慙慙抱得旃檀樹語聲未絕師即頓悟眼云經藏子漏逗了也

冶父川禪師先為縣之弓級聞東齋謙首座為道俗演法從之習坐因是不職尉督之師於杖下大悟辭往依謙謙為改名道川且云汝舊呼秋三今名道川川即三耳此去若能豎起脊梁了辦箇事其道如川之增若放倒則依舊秋三也

千山榮禪師侍三教頂禪師脇不至蓆者數年一日飯後至鐘閣經行忽聞雷而悟作偈云一震驚天地轟轟不是聲何勞勤苦覓時至自然明白頂頂乃印之

華嚴顯禪師參圓照本禪師因登溷與攔打破水鉢有省後富鄭公常參師見師上堂左右顧視公忽契悟以頌寄圓照云一見顯師悟入深因緣傳得老師心江山公里誰云瞞目對靈光與妙音

龜山光禪師因大慧問喫粥了也洗鉢盂了也燒香行道了也去却藥忌道將一句來師云裂破大慧色莊云又來這裏說禪那師於言下大悟徧體汗下遂作禮大慧以偈印之

西禪需禪師因看遺教經有省遂出家後徧參無可意者乃結茅於羗峰絕頂大乘才禪師力邀為第二座嘗問學者即心即佛因緣時大慧庵于洋嶼師之友彌光邀師飯師赴纜及門會大慧為諸徒入室師亦隨喜慧問僧問馬



祖如何是佛祖云即心是佛作麼生師下語慧詒之云你  
見解如此敢妄為入師耶即鳴鼓普說揭其平生珍重得  
力處排為邪解師淚下不敢仰視遂歸心弟子之列一日  
慧問師內不放出外不放入正恁麼時如何師擬開口慧  
拈竹篋劈脊連打三下師於此大悟戾聲云和尚已多了  
也慧又打一下師作禮慧云汝今方知道吾不汝欺  
佛照光禪師謁大慧於育王一日室中問師喚作竹篋則  
觸不喚作竹篋則背不得下語不得無語師擬對慧便捧  
師豁然大悟從前所得瓦解冰消

劔門分庵主處性疎散早歲有省後詣徑山大慧求掛  
搭慧恐其擾眾却之師入城於稠人中忽聞喝道者云侍  
郎來師豁然大悟作頌云幾年箇事掛曾懷問盡諸方眼

不開肝膽這面俱揭盡一聲江上侍郎來

張無盡見堯率悟觀

張九成聞蛙悟觀

揚禮部覩日悟觀

趙清獻公聞雷悟觀

富鄭公悟觀

保壽作街坊悟觀

芭蕉徹悟觀

天台智者悟法華觀

圭峰悟圓覺觀

安禪師讀楞嚴悟觀

永明潛參法眼悟觀

省禪師夢吞日悟觀

古禪師擲卷子地悟觀

古德看經聞鶯悟觀

孚上座聞角悟觀

雲巖在藥山悟觀

法雲秀聞舉白兆語悟觀

翠巖慈明言下悟觀

定上座臨濟處悟觀

水潦被馬祖踏悟觀

趙州問南泉道悟觀



招提朗於石頭處悟觀門

龍潭於天皇言下悟觀門

洞山初在雲門悟觀門

大梅煦於雲居處悟觀門

安國問玄沙第一月悟觀門

二祖安心悟觀門

馮山因百丈挾火悟觀門

鏡清玄沙言下悟觀門

遵禪師在石門悟觀門

童子斷指悟觀門

則監院參法眼悟觀門

揚岐於慈明言下悟觀門

上竺諫因大通書悟觀門

慈明在汾陽悟觀門

大陽堅於靈泉處悟觀門

俱胝見天龍堅指悟觀門

黃龍震見月悟觀門

龐居士馬祖言下悟觀門

龍牙參洞山悟觀門

韶國師問曹源水悟觀門

盧中丞看火悟觀門

德山因龍潭吹紙燭悟觀門

雲峰因桶箬散悟觀門

竹庵於佛眼處悟觀門

會通因吹布毛悟觀門

俞道婆聞唱悟觀門

明上座見盧行者悟觀門

雲蓋於雙泉言下悟觀門

高亭隔江見德山悟觀門

長慶捲簾悟觀門

僧問首山寶山悟觀門

廣慧問南院魚鼓悟觀門

良遂見麻谷悟觀門

古靈本師悟觀門

僊天於石頭言下悟觀門

靈雲見桃花悟觀門

圓悟在五祖悟觀門

漸源於石霜言下悟觀門

葉縣於首山處悟觀門

馬祖於南嶽言下悟觀門

應天於淨慈言下悟觀門

雙林塞帳悟觀門

佛鑑在五祖悟觀門

夾山見船子悟觀門

勝光被踏悟觀門

因禪師擊土悟觀門

興教因墮柴悟觀門

郁山主過橋悟觀門



鼎禪師見日光悟覩

玉泉擔米悟覩

滔首座因泐潭問牧牛悟覩

鹽官尚因斬猫話悟覩

李都尉於石門言下悟覩

祥符於清涼言下悟覩

裴相國問黃檗高僧悟覩

大陽因梁山指觀音像悟覩

大道

耶舍尊者訪廬山遠法師遠問如何是道師云無人能會  
遠云此間有五百聽徒其中碩學高流豈無一人會師微  
笑遠復問如何是道師舉如意示之云見麼云見師云見  
箇甚麼云見尊者手中如意師將如意擲於地云還見麼  
云見師云見箇甚麼云見尊者手中如意墮地師收起如  
意云見即不見還見麼遠罔措師斥云觀公見解未出常  
流何得名喧宇宙乃拂衣上紫霄峰

五祖戒云耶舍遠公見道也未

南嶽讓禪師因馬祖問道非色相云何能見師云心地法  
眼能見乎道無相三昧亦復然矣祖云有成壞不師云若  
以成壞聚散而見道者非見道也



南泉願禪師因趙州問如何是道師云平常心是道州云  
還假趣向不師云擬向即乖州云不擬又爭知是道師云  
道不屬知不屬不知知是妄覺不知是無記若真達不疑  
之道猶如太虛廓然蕩豁豈可彊是非耶州於言下頓悟  
玄旨

松源岳云青天白日悟箇甚麼咄咄驪珠擊碎蒼龍  
窟

雲峰悅頌云平常心是道舉步入荒草翻嗟王老師到  
底不能曉玉兔金烏任飛走佛鑑勸云欲識平常道  
天真任自然行船宜舉棹走馬即加鞭若遇飢來飯還  
應困即眠盡從緣所得所得亦非緣所得亦非緣當人  
自了然雨中看皓月火裏汲清泉直立頭插地橫眠脚

指天應須與麼會方契祖師禪 徑山杲云勸君不用

苦勞神喚作平常轉不親冷淡全然沒滋味 一回舉著

一回新 鼓山珪云若謂平常心是道枝蔓向上更生

枝貼肉汗衫如脫了喚來眼上更安眉

興善實禪師僧問如何是道師云大好山云學人問道師  
何言好山師云汝只識好山何曾達道又僧問道在何處  
師云只在目前云我何不見師云汝有我故所以不見云  
我有我故即不見和尚見不師云有汝有我展轉不見云  
無我無汝還見不師云無汝無我阿誰求見

鄧隱峰禪師問石頭如何得合道去頭云我亦不合道師  
云畢竟如何頭云汝被這箇得多少時耶

馮山祐禪師僧問如何是道師云無心是道云某甲不會



師云會取不會底好云如何是不會底師云祇是你不是別人

佛鑑勸云乍看似死水裏浸却子細檢點將來水裏有鹽喫者方知滋味大瀉智云瀉山恁麼道笑殺傍觀  
觸體前光影有甚好處雖然如是看樓打樓買帽相頭  
如何是道教休不肯休直待雨淋頭塗毒策云我不  
作瀉山按牛頭喫草待這僧云某甲不會即向道不會  
最親切為甚麼如此直下猶難會尋言轉更賒  
藥山儼禪師僧問如何是道中至寶師云莫誦曲云不誦  
曲時如何師云頌國莫換  
趙州諗禪師因南泉示眾云道非物外物外非道師乃問  
如何是物外道泉便打師捉住棒云已後莫錯打人去在

泉云龍蛇易辨衲子難瞞擲下拄杖便歸方丈

雲寶顯云趙州如龍無角似蛇有足當時不啻盡法無  
民直須喫棒了趁出 琅琊覺云不見道酒逢知己飲

詩向會人吟 老衲證云南泉垂鈎四海只釣禪龍格

外玄談為尋知己趙州慣行棧道飽歷邊庭不施寸刃  
海晏河清然雖如是且道二老相見還有優劣也無良  
久云若不登樓望焉知滄海深

保寧勇頌云輭纏藏鋒入陣來畫時擒下眼瞠開死生  
一决英雄士文武雙行將相才 南堂靜云龍蛇能易

辨衲子最難瞞性淨秋空闊心清巨海寬天涯毫末見  
世界掌中觀萬法不為侶西江一吸乾

趙州示眾云至道無難唯嫌揀擇總有語言是揀擇是明



白老僧不在明白裏是汝諸人還護惜也無時有僧問既不在明白裏護惜箇甚麼師云我亦不知云和尚既不知為甚麼道不在明白裏師云問事即得禮拜了退

雪竇顯云趙州倒退三千天童覺云這僧也如切如

磋不能見機而變趙州也如琢如磨幾乎事不解交眾中祇管道退身有分殊不知盡力提持還體悉麼焦執

打著連底凍

雪竇頌云至道無難言端語端一有各種二無兩般天

際日上月下檻前山深水寒鶻體識盡喜何立枯木龍

吟消未乾難難揀擇明白君自看隨庵緣云世間無

物可羅籠獨立嵯峨萬仞峰忽若有人猛推落騰身雲

外不留蹤

趙州僧問至道無難唯嫌揀擇纔有語言是揀擇和尚如

何為人師云何不引盡這語云某甲祇念到這裏師云祇

這至道無難唯嫌揀擇

雪竇頌云水灑不著風吹不入虎步龍行鬼號神泣頭

長三尺知是誰相對無言獨足立白雲端云驅山塞

天海也尋常所至文明始是玉但見皇風成一片不知何

處有封疆

趙州僧問至道無難唯嫌揀擇是時人窠窟來師云曾有

人問我直得五年分疏不下

雪竇云識語不能轉死却了也好與二十棒這棒須有

分付處你若辨不出且放此語大行烏回籠去大眾

趙州具頂門眼向擊石火裏分緇素閃電光中明縱奪



為甚麼却五年分踈不下還委悉麼身分雪裏粉難辨  
墨中煤

雪竇頌云象王嚙呻獅子哮吼無味之談塞斷人口南  
北東西烏飛兔走 白雲端云分踈不下五年彊一葉  
舟中載大唐渺渺兀然波浪裏誰知別有好商量

趙州僧問至道無難唯嫌揀擇如何得不揀擇師云天上  
天下唯我獨尊云此猶是揀擇師云田庫奴甚麼處是揀  
擇僧無語

雪竇頌云似海之深如山之固蚊虻弄空裏猛風螻蟻  
撼於鐵柱揀芳擇芳當軒布鼓 白雲端云團團秋月  
印天心是物前頭有一輪入穴蝦蟆無出路却冤天上  
不平勻

趙州僧問如何是道師云牆外底云不問這箇師云問甚  
麼道云大道師云大道通長安

投子青頌云知道還他潦倒翁親言相指自忽忽關山  
路遠重須去一逕長途君任通 水庵一云趙老家風

不熟瞞問他大道蒼長安有誰平步歸家去多是區區  
自作難 松源岳云大道透長安言端語亦端膈盡雪  
消去春來依舊寒

誌公云大道只在目前要且目前難覩欲識大道真體不  
離聲色言語

白雲端拈起拄杖云這箇是拄杖子阿那箇是大道真  
體將箇甚麼識想你這一隊漆桶膈月三十日只認得  
箇驢鞍橋作阿爺下領乃喝云去 徑山杲云若即聲



色言語求道真體正是撥火覓浮漚若離聲色言語求道真體大似含元殿裏覓長安總不恁麼畢竟如何翡翠踏翻荷葉兩鷺鷥衝破竹林煙

仰山寂禪師僧問如何是道師云枯木裏龍吟僧云不會師云觸體裏眼睛後有僧問石霜如何是枯木裏龍吟霜云猶帶喜在云如何是觸體裏眼睛霜云猶帶識在又僧問曹山如何是枯木裏龍吟山云血脈不斷云如何是觸體裏眼睛山云乾不盡云未審還有得聞者麼山云盡大地未有一箇不聞云未審龍吟是何章句山云也不知是何章句聞者皆喪曹山頌云枯木龍吟真見道觸體無識眼初明意識盡時消息盡當人那辨濁中清傳燈作香巖白雲作因僧問如何是枯木裏龍吟師云火裏蓮生云

如何是觸體裏眼睛師云泥牛入水 圓悟勤云念不異心不差圓融五位君臣跳過無為三毒便可以向枯木上生花寒巖中吹律看他三箇老宿一人透語滲漏一人透情滲漏一人透見滲漏若善滲詳便可玄關獨步還委悉麼莫守寒巖異草青坐却白雲宗不妙 天童覺云王居門裏臣不出門

夾山會禪師僧問如何是道師云太陽溢目萬里不掛片雲云如何體會師云清清之水遊魚自迷

雲門云不喚作一句不喚作法身是甚麼

栢巖禪師僧問如何是道師云徒勞車馬跡

丹霞淳頌云曹溪古路綠苔生車馬登臨已涉程野老

痿羸兼跛挈手携玉杖夜深行



鵝湖大義禪師問諸碩德云行任坐卧畢竟以何為道有云知者是道師云不可以智知不可以識識安得知者是道乎有對無分別是道師云善能分別諸法相於第一義而不動安得無分別是道乎有對四禪八定是道師云佛身無為不墮諸數安在四禪八定耶眾皆杜口  
九峰滿禪師僧問如何是道師云見通車馬云如何是道中人師便打僧作禮師便喝

圓悟勤云這僧半明半暗九峰全放全收雖則垂手為人  
人不廢銀山鐵壁諸人還會麼電光石火存機變堪笑人來拈虎鬚

九峰僧問十二時中如何合道師云與心合道云畢竟如何師云土上覓泥猶自可離波求水實堪悲

圓悟勤云九峰一等是慈悲直得赤心片片爭奈只有殺人刀且無活人劍若是蔣山即不然十二時中如何合道與心合道畢竟如何切忌捏目生花

禾山殷禪師僧問如何是道師云耕人田不種云如何是道中人師云禾熟不臨場

首山念僧問耕人田不種意旨如何師云大動不堅賞云禾熟不臨場意旨如何師云任從風雨爛

河中畿禪師僧問如何是道如何是禪師云有名非大道是非俱不禪欲識此中意黃葉止啼錢

茱萸山禪師因金輪觀禪師問如何是道師云莫向虛空裏釘橛觀云虛空是橛師乃打之觀捉住云莫打某甲已後錯打人在師便休



雲居錫云此人具眼不具眼因甚麼著打

灌溪閑禪師僧問如何是道師云夏天多雨水秋後滿田黃云不問這箇道師云汝問甚麼道云問大道師云大道縱橫笑點頭

龍牙道禪師僧問如何是道師云無異人心又云若人體得道無異人心始是道人若是言說則勿交涉道者汝知打底道人不十二時中除却著衣喫飯無絲髮異於人心無誑人心此箇始是道人若道我得我會則勿交涉大不容易

永明潛禪師僧問至理無言假言詮而顯道如何是顯道底言師云切忌揀擇云如何是不揀擇師云元帥大王太保令公

佛鑑勲云大好不揀擇

巴陵曉禪師僧問如何是道師云明眼人落井

洞山聰頌云落井須明出井機直宜擡眼動睛輝於斯個儻無纖隔祖道汪洋得旨歸保寧勇云秋夜霜天

月正明仰觀星象約三更一條大路平如掌歸去何妨徹曉行正覺逸云好箇明眼人落井叢林話會幾時

休修心未到無心地萬種千般逐水流佛印元云南北東西苦問人新開多口接迷津從茲八駿追風急空

望悠悠脚下塵

洞山初禪師僧問如何是道師云卓云擬向如何師云失卓後僧持此語問徹和尚未審洞山意旨如何徹云虎鬪龍傷



琅琊覺云金烏藏海岸玉兔離青霄

風穴沼禪師僧問如何是道師云五鳳樓前云如何是道中人師云問取城隍使云道與道中人相去多少師云月似羅中鏡星如霧裏燈

投子青云然指道由人行之在我問窮決悟答以提宗不是當人徒勞進步何故蓋向上一路千聖不遊擗議之間喪身失命是以龍樓迎瑞紫殿籠煙苔砌深闡燭香人靜正當恁麼時還許人喘息麼若喘息之間長途萬里復頌云深宮紫殿隔重闈簾靜簷楊紫氣垂苔地不通朝請近家人指路莫遲疑 琅琊覺云衆中商量極有云云山僧今日與你頌出月似羅中鏡星如霧裏燈滿堂清淨衆盡是坐禪僧

風穴僧問王道與佛道相去幾何師云芻狗吠時天地合

木鷄啼後祖燈輝

海湖禪師有座主問和尚甚麼年行道師云座主近前來主近前師云且道橋陳如甚麼年行道主忙然無對師云尿牀鬼

丹霞淳頌云多是從人學得來一生空把一葫開欲窮

此片虛明地七佛前前總不該

齊聳禪師僧問如何是道師云往來無障礙云恁麼則學人自在去也師云忽遇大海作麼生過僧擬議師便打上泉古禪師僧問如何是大道之源師云簾內有君當正位殿前四相盡朝儀云恁麼即一滴不離毘盧界萬派朝宗不二門云四塞罷戈齊拱手十方共賀太平年



北禪念禪師僧問如何是大道之源師云衆流混不得云  
獨脫事如何師云穿雲透石

報本蘭禪師僧問道無橫徑立者皆危如何是道師云日  
耀祥光澹云意旨如何師云風搖瑞色濃僧禮拜師云猶  
欠一著

乾明則禪師僧問如何是日用道師云一箭到西天云到  
後如何師云周徧法界

廣法源禪師上堂云若論大道直教杼山無開口處你諸  
人試開口看僧便問如何是大道師云擔不起云爲甚麼  
擔不起師云大道

樓隱評禪師因僧問如何是平常道師云和尚合掌道士  
擎拳

德山先禪師僧問王道與法道相去幾何師云雲行雨密  
水急波生云學人不曾未審如何師云水流歸海人卧千  
峰又僧問如何是道師云蕩蕩無邊表縱橫任意看

報慈欽禪師僧問如何是平常心合道師云喫茶喫飯隨  
時過看水看山實暢情

石門遠禪師僧問生死浪前如何話道師云毛袋橫身絕  
飲啄青溪常卧太陽春又僧問如何是道師云山深水冷  
云如何是道中人師云金槌擊金鼓

圓通秀禪師僧問陽春二三月萬物盡生芽未審道芽還  
增長也無師云自家看取云莫便是指示契麼師云芭蕉  
高多少云野火燒不盡春風吹又生師云這箇是白公底  
你底又作麼生云且待別時師云看竹道不出



寶勝良禪師僧問道非物外物外非道如何是物外道師云目前可驗云如何是道中人師云對面同千里云向上更有事也無師云勘破了也

保福殊禪師僧問如何是大道師云開市裏云如何是道中人師云一任人看又僧問如何是大道之源師云一路入煙草云如何得達去師云千山啼子規

淨衆權禪師僧問道無橫徑立者皆危如何是道師云海底烏龜深山大蟲云莫祇這便是麼師云見錢買錢真不曾除

南禪聰禪師僧問如何是大道根源師云雲興當年夜石虎叫連宵

黃龍新禪師僧問虛玄大道無著真宗不滅言詮請師速

道師云草深多野鹿云學人不會師云巖高獬豸僧作

禮師云不得動著動著打折你腰

龍門遠禪師僧問道遠乎哉觸事而真如何是道師云頂上八尺五云未審此理如何師云方圓七八寸云向上一

路還許學人會也無師云不論向上向下却許你會

虎丘隆禪師僧問如何是大道真源師云和泥合水云便

恁麼去時如何師云截斷草鞋跟

興化岳禪師僧問如何是大道之源師云黃河鞞底流云

學人未曉師云無負注新羅國

芙蓉日禪師僧問至道無難唯嫌揀擇時如何師云河水

從源濁

淨德悟禪師僧問如何是大道師云我無小徑云如何是



小徑師云我不知有大道  
徑山杲禪師問僧道不用修但莫汙染如何是不汙染底  
道云某甲不敢道師云汝為甚麼不敢道云恐汙染師叫  
行者將糞箕掃帚來其僧茫然師便打出

○僧問如何是道

洞山度禪師云廻牛尋遠澗

首山念禪師云爐中有

火無心撥麩麩無蹤任意遊

石門聰禪師云車碾馬

踏又云臘月三十日

大愚芝禪師云八斛四斗

承天宗禪師云蛇無頭不行

澄心德禪師云老僧久

住澄心院

天鉢禪師云衫長袴短

福嚴雅禪師

云四十五里長松徑南北遊人不厭頻

景德真禪師

云千差雖有異一月照無偏

羅漢宗禪師云塔帶關

蘇經綠柳舞春風

藥山宣禪師云東臨南北九

峯對禪師云逢春無綠草

禾山才禪師云十字街頭

看鹿苑主禪師云吳頭楚尾

大乘果禪師云寬

處寬窄處窄

稱心侖禪師云縱橫十字

岳林善

禪師云深耕淺種

靈隱慈覺禪師云甚麼道云大道

師云欲行千里一步為初

蔣山元禪師云南通州北

入縣

白鹿端禪師云九州百越

承天岑禪師云

稱尺斗量

淨因臻禪師云古今行不盡

南山隄

禪師云斜街曲巷

佛日才禪師云水冷生冰

祖宗禪師云十里雙牌五里單墩

保寧勇禪師云爛

泥有刺

景福餘禪師云天共白雲曉水和明月流

雙嶺化禪師云掘地深埋

方廣紀禪師云有時登陌



嶺南北兩頭垂 普濟禪師云秋收冬藏 萬壽堅

禪師云誰不履踐 慈明禪師云踏著不喚 竹園

顯禪師云交橫十字 正覺逸禪師云龍吟金鼎虎嘯

丹田 雪竇宗禪師云兩多根脚爛日成無鬢毛焦

○進云如何是道中人 洞山云擁雪首揚眉 首山云坐看煙霞秀不與白雲

齊 石門云豎坐橫眠又云新春向暖日 大愚云

煮粥煨飯 承天云行到水窮處坐看雲起時 澄

心云破衲長披經歲年 天鉢云仰面大家笑 福

嚴云兩兩三三 景德云行玄不舉步鳥道任來過

羅漢云開認偷月色移榻對清流 藥山云有貴者賤

九峰云南來北往 禾山云南頭賣黃北頭買

正苑云騎馬踏鎗不如步行 大乘云甚處苦樂執樂

云道與道中人相去多少師云十萬八千 稱心云相

逢不下馬各自有前程 岳林云田舍奴 靈隱云

西天駐泊此土都監僧禮拜師云咩咩 蔣山云驢前

馬後 白鹿云乘肥衣錦 承天云蘆葦花邊蓼叢

岸下 淨因云萬家煙火外一枕水雲間 南山云

百藝百窮 佛日云春雪易消云如何談論師鳴指一

下 三祖云少避長賤避貴 保寧云切忌踏著

景福云先行不到末後太過 雙嶺云銅頭鐵額云如

何是向上事師云老僧舌頭短 方廣云八十老翁策

杖行云未審向上更有事也無師云面南看北斗月裏有

麒麟 並濟云拖泥帶水 萬壽云求子去萬



慈明云曾馱背負 竹園云徃徃不相識 正覺云

吐故納新云道與道中人相去多少師云曾鶴巖崖上冲

天味米民 雪竇云冰肌明似玉雪體瑩如珠

○僧問如何是道

天柱慧禪師云白雲覆青嶂蜂鳥步庭花 徑山欽禪

師云山上有鯉魚水底有蓬塵 盤山積禪師云出云

學人未領旨任師云去 巖頭齋禪師云破草鞋與拋

向湖裏著 洛浦安禪師云存機猶滯迹云瓦却通途

黃山輪禪師云石牛頻吐三春霧木馬嘶時滿道途

雲南偃禪師云透出一字云透出後如何師云千里同風

又答去云學人不會乞師道師云關梨公驗分明何有重

南院顯禪師云鷹過長空無一物 崇慶小自

師云萬緣俱頓息夜半繡鴛鴦又云家家門前長然路

石門聰禪師云善犬帶牌云為甚麼如此師云令人懼見

開先英禪師云良田萬頃云不會師云春不耕秋無望

五祖戒禪師云點云點後如何師云荆三下四 祥

光靜禪師云長安鼎沸云向上事如何師云谷聲萬籟起

松老五雲披 鹿門真禪師云藕絲牽大象 華嚴

禪師云靈樹無橫枝天機道合同 清涼復禪師云本

來無一物何處有塵埃僧禮拜師云莫錯會 石門禪

師云好大奇物外獨騎千里象萬年松下擊金鐘 北

禪賢禪師云嶮路架橋 本覺殊禪師舉起拳僧云不

會師云拳頭也不識 觀音啓禪師云水聲豈瀉碧云

學人不會師云山色亂堆青 開元潭禪師云且立且



今云目前無異路達者共同途師云你作麼生會云踏著  
稱鎚硬似鐵師云猶較些子 天童齊輝師云踏不著

云踏著後如何師云七穿八穴 大陽楷禪師云勿角

泥牛羴夜欄 承天月禪師云殘陽戀幽草

李刺史問藥山道見牒 馬王問石門大道現階

龍華問雲居大道見悟道門

禪林類聚卷第五

通州狼山禪寺住持嗣祖比丘一葦施中統鈔伍錠  
報恩禪寺住持嗣祖比丘普親施中統鈔燻錠



